

Broj: 1-25-16-4-2225-27/18
Mostar, 08.03.2019. godine

Na osnovu člana 17. Zakona o Agenciji za pružanje usluga u zračnoj plovidbi Bosne i Hercegovine („Službeni glasnik BiH“, broj: 43/09), člana 64. stav (1) tačka b), člana 70. stav (1), stav (3) i stav (6) Zakona o javnim nabavkama („Službeni glasnik BiH“, broj: 39/14), člana 20. i člana 24. Statuta Agencije za pružanje usluga u zračnoj plovidbi Bosne i Hercegovine („Službeni glasnik BiH“, broj: 63/10), člana 8. stav (2) tačka f) Pravilnika o uspostavljanju i radu Komisije za nabavke (Službeni glasnik BiH“, broj: 103/14), na Preporuku Komisije za javnu nabavku broj: 1-25-16-4-2225-26/18 od 19.02.2019. godine, u postupku javne nabavke nadogradnje AMHS u pregovaračkom postupku bez objave obavještenja o nabavci, direktor Agencije za pružanje usluga u zračnoj plovidbi BiH na osnovu zaključka sa 86. sjednice Uprave Agencije održane dana 04.03.2019. godine donosi

ODLUKU **o izboru najpovoljnijeg ponuđača**

Član 1.

Prihvata se Preporuka Komisije za javnu nabavku nadogradnje AMHS u pregovaračkom postupku bez objave obavještenja o nabavci, broj: 1-25-16-4-2225-26/18 od 19.02.2019.godine i ugovor za javnu nabavku nadogradnje AMHS dodjeljuje se ponuđaču **FREQUENTIS COMSOFT GmbH Wachhausstr. 5a, 76227 Karlsruhe, Germany** za ponuđenu cijenu od **1.022.293,26 EUR** bez PDV-a, primjenjujući kriterij najniže cijene.

Član 2.

Obavezuje se ponuđač iz člana 1. ove Odluke da **u roku od 7 dana** od dana prijema ove Odluke **dostavi original ili ovjerene kopije dokumenata navedenih u točki 8. tenderske dokumentacije** broj: 1-25-16-4-2225-6 /18 ne starije od tri mjeseca računajući od trenutka dostavljanja ponude.

Član 3.

Ova Odluka objavit će se na web-stranici www.bhansa.gov.ba, istovremeno s upućivanjem ponuđaču koji je sudjelovao u postupku javne nabavke, u skladu sa članom 70. stav (6) Zakona o javnim nabavkama.

Član 4.

Ova Odluka stupa na snagu danom donošenja i dostavlja se ponuđaču koji je sudjelovao u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Odlukom o pokretanju postupka za javnu nabavku nadogradnje AMHS broj: 1-11-16-4-2225-2/18 od 18.05.2018. godine, predviđeno je provođenje pregovaračkog postupka bez objave obavještenja iz razloga ekskluzivnosti.

U skladu sa Zakonom o javnim nabavkama te u skladu sa Uputstvom za pripremu modela tenderske dokumentacije i ponuda, Komisija je utvrdila sadržaj zahtjeva za učešće, vodeći računa o sredstvima koja su za ovu svrhu planirana.

Dana 23.07.2018. godine kandidatu FREQUENTIS COMSOFT GmbH Wachhausstr. 5a, 76227 Karlsruhe, Germany putem e-mailom i putem pošte je upućen poziv za učešće u pregovaračkom postupku bez objave obavještenja o nabavci.

Ugovorni organ je na svojoj web stranici objavio informacije o provođenju pregovaračkog postupku bez objave obavještenja o nabavci za predmetnu nabavku u skladu sa članom 28. stav (4) Zakona o javnim nabavkama. Nakon izmijenjenog poziva određen je novi rok za prijem zahtjeva za učešće 12.09.2018. godine do 12:00 sati.

Na sjednici održanoj dana 12.09.2018. godine Komisija je konstatirala da je u predviđenom roku pristigao jedan uredno zapakiran zahtjev za učešće i to od kandidata kojem je Ugovorni organ uputio poziv za učešće u pregovaračkom postupku bez objave obavještenja o nabavci.

Komisija je sačinila Zapisnik o ocjeni kvalifikovanosti kandidata broj: 1-25-16-4-2225-11/18 od 13.09.2018. godine te isti zajedno sa Izvještajem o radu broj: 1-25-16-4-2225-12/18 od 13.09.2018. godine i preporukom broj: 1-25-16-4-2225-13/18 od 13.09.2018. godine dostavila Upravi BHANSA-e.

Nakon donošenja Odluke o rezultatima kvalifikacije broj: 1-25-16-4-2225-14/18 od 28.09.2018. godine, Komisija je u skladu sa odredbama ZJN pristupila izradi poziva za dostavu početne ponude broj: 1-25-16-4-2225-16/18 od 19.10.2018. godine. Rok za dostavljanje početne ponude bio je 29.11.2018. godine do 12:00 sati.

Na sjednici Komisija je konstatirala da je pristigla početna ponuda u gore navedenom predviđenom roku od ponuđača FREQUENTIS COMSOFT GmbH.

Komisija je pristupila otvaranju i pregledu pristigle ponude ponuđača FREQUENTIS COMSOFT GmbH Wachhausstr. 5a, 76227 Karlsruhe, Germany. Nakon izvršene detaljne analize pristigle ponude, Komisija je konstatirala da je ponuda spomenutog ponuđača sačinjena u skladu sa traženim uvjetima poziva za dostavu početne ponude.

Vrijednost dostavljanje početne ponude je 1.022.293,26 EUR.

U skladu sa članom 28. stav (5) Zakona o javnim nabavkama nakon prijema početne ponude zakazano je pregovaranje u vezi predmeta nabavke. Pregovori su održani u periodu od 07.12.2018. godine do 13.12.2018. godine.

U skladu sa izvršenim pregovorima, sačinjen je zapisnik o pregovaranju broj: 1-25-16-4-2225-20/18 od 18.12.2018. godine, te je isti dostavljen ponuđaču na potpis. Pregovori su se obavili putem elektronske pošte.

Komisija je sačinila poziv za dostavljanje konačne ponude broj: 1-25-16-4-2225-21/18 od 22.01.2019. godine te isti poslala ponuđaču.

Rok za dostavljanje konačne ponude bio je 19.02.2019. godine do 12:00 sati.

Komisija je na zatvorenoj sjednici konstatovala da je u predviđenom roku, u propisno zapakovanoj koverti pristigla konačna ponuda ponuđača FREQUENTIS COMSOFT GmbH Wachhausstr. 5a, 76227 Karlsruhe, Germany.

Komisija je u skladu s odredbama ZJN, pristupila otvaranju ponuda o čemu je sačinjen poseban zapisnik o pregledu i ocjeni konačnih ponuda.

Utvrđena je vrijednost dostavljene konačne ponude:

	Naziv ponuđača	Iznos ponude bez PDV-a
1.	FREQUENTIS COMSOFT GmbH Wachhausstr. 5a, 76227 Karlsruhe, Germany	1.022.293,26 EUR

Nakon otvaranja ponuda Komisija je nastavila rad na analizi pristigle konačne ponude, te konstatirala da je ponuda sačinjena u skladu sa pozivom za dostavu konačne ponude, odnosno da ista je prihvatljiva.

Također, utvrđeno je da cijena dostavljene konačne ponude u okviru je procijenjene vrijednosti nabavke, te u ponudi nema računskih grešaka.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, u skladu sa kriterijima iz tenderske dokumentacije. U postupku ocjene provedenog postupka, Uprava Agencije za pružanje usluga u zračnoj plovidbi BiH nije našla razloge, nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskim dokumentom. Uvidom u priloženu dokumentaciju, nesporno je da je izabrani ponuđač izabran primjenjujući kriterij najniže cijene, koja je ponuđena u iznosu od 1.022.293,26 EUR bez PDV-a.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU

Protiv ove Odluke može se izjaviti žalba, najkasnije u roku od 30 dana od dana objave obavještenja o dodjeli Ugovora.



Dostaviti

- FREQUENTIS COMSOFT GmbH Wachhausstr. 5a, 76227 Karlsruhe, Germany
- web stranica
- a/a